

雲南通志



雲南通志



雲南通志卷之第十一

課程

鹽法
稅課

錢法
廠課

夏書任土作貢梁紀銀鏤不載鹽絺草昧初開固多
遺利滇麓梁州之南鄙井產鹽山產五金雖舟楫不
通牽牛服賈者往往叩關而至於定爲經制以佐
邦用豈非因天地自然之數而整齊利導之者歟夫
水土金穀互有盈虛惟人事能補造物之偏而後利
用厚生交相資藉而不匱今恭逢

聖聖相承仁民育物足以感召天和比年來醴泉出而瑞穀
生山澤饒而礦金裕地不愛寶人不愛情誠大順之

休徵也奉宣德意者視物產之滋息察羣情之趨嚮
爲之調劑變通以宜民而阜用斯美利溥於無窮矣
志課程

鹽法

漢越巂郡定笮縣出鹽蜻蛉縣有鹽官益州郡連然縣有

鹽官

見漢書地理志及南中志

後漢越巂郡定笮縣有鹽坑積薪以齊水灌而後焚之成

白鹽

見後漢書郡國志注

鄭純爲永昌太守與哀牢夷人約已

豪歲輸布貫頭衣二領鹽一斛以爲常賦夷俗安之

見西南夷傳

三國漢昭烈帝定益州置鹽府校尉較鹽鐵之利

見蜀志

唐南詔覽賧井產鹽最鮮白惟王得食取足輒滅竈昆明

城諸井皆產鹽不征羣蠻食之

見南蠻傳

元文宗至順二年雲南行省言亦乞不薛之地所牧國馬

歲給鹽以每月上寅日啖之則馬健無病比因伯忽

叛亂雲南鹽不可到馬多病死詔令四川行省以鹽

給之

見文宗本紀

明洪武十五年置黑鹽井鹽課提舉司鹽課司阿陋猴井

鹽課司琅井鹽課司白鹽井鹽課提舉司鹽課司安

寧鹽井鹽課提舉司鹽課司五井鹽課提舉司諾鄧

鹽井鹽課司山井鹽井鹽課司師井鹽課司大井鹽
井鹽課司順遠鹽井鹽課司鶴慶軍民府劍川州
沙井鹽課司麗江軍民府蘭州井鹽課司武定軍民
府和曲州只舊井河頭井草溪河尾井五井鹽課提
舉司歲辦鹽二十七萬二千一百三十七觔零又折
棉布七百二十段黑鹽井鹽課提舉司歲辦鹽五十
七萬二千三百四十觔零安寧鹽井鹽課提舉司歲
辦鹽七十七萬二千六百八十觔零白鹽井鹽課提
舉司歲辦鹽二十一萬七百二十觔零

永樂間五井安寧兩鹽課司歲辦無定數黑鹽井歲辦

鹽六十一萬六千三百七十觔白鹽并歲辦鹽三十萬四千三百一十四觔

正統三年令雲南中鹽客商免納引紙 九年令雲南鹽課司每竈戶添撥餘丁二人免其差役專一採薪煎鹽鹽課不許擅除

成化十九年奏准正統十四年以前客商中鹽未支者雲南每引給資本鈔二十五錠

正德八年議准安寧鹽井提舉司折色課銀每引徵銀九錢以備邊軍支用

嘉靖八年題准雲南鹽引合置流通簿一本每年差入

赴部齎領仍赴南京戶部印編歲額無閏五萬六千九百六十五引召商開中巡撫酌量井鹽美惡定擬價銀收布政司聽戶部支用 令雲南巡撫於布政司叅政叅議定委一員專管鹽法 三十年令雲南巡按御史兼理鹽法 三十三年題准將白安伍彌沙蘭州舊河尾等井鹽課革去成色虛數盡折紋銀其五井提舉司額辦布疋原解大理府搭放官吏俸鈔今將折俸另處補給其漂布每段折銀四分五釐每銀一兩折鹽一引俱作正課及續增新增加辦加閏復開河頭等井每歲共該銀四萬三千三百三十一

四兩六錢零無閏只該銀四萬五兩六錢零著爲定額
三十五年題准將雲南安寧井原額引鹽摘發

琅井帶辦八十七竈鹽每引折銀七錢三分輪發三
十六竈每竈每月領鹵二百一十桶折納銀一兩六
錢八分零安寧井實在鹽每引減折徵銀四錢五分
順邊井給商本色鹽每引徵銀八錢備邊折色鹽每
引徵銀一兩實徵鹽課無閏該鹽四萬七千三百八
十二引一百四十九觔一十四兩九錢共銀三萬五
千七百一十九兩一錢三分零遇閏該鹽五萬一千
三百三十一引六十二觔六兩零共銀三萬八千七

百六十兩七錢零俱解太倉其山井竝新開石門關
三井鹽課本提舉司照舊徵納

萬歷六年雲南歲辦鹽一百八十一萬七千八百七十
七觔五井提舉司棉布每段折銀四分五釐歲解太
倉鹽課銀三萬五千五百四十七兩三錢七分遇閏
該銀三萬八千五百二十八兩九錢七分

天啓三年改安寧提舉司爲琅井提舉司駐琅井安寧
鹽課附州徵解

本朝順治年雲南歲額鹽課銀一十四萬六千一百九兩
三錢六分 十七年題准雲南不行部引按井給票

徵收鹽課 題准雲南各井以出鹽多寡定經制課
程各隨商販照例抽稅

康熙元年題准黑井鹽課九萬六千兩琅井鹽課九千
六百兩景東井鹽課三百二十兩以上遇閏加課銀
八千八百二十六兩六錢六分零不除小建白井鹽
課銀二萬八千五百六十兩安寧井鹽課一千九百
八十兩雲龍州五井鹽課銀四千七百六十三兩七
錢阿陋猴井鹽課二千九百二十三兩二錢彌沙井
鹽課四百兩只舊草溪井鹽課二百六十二兩四錢
六分以上遇閏加課銀三千二百四十兩七錢八分

零扣除小建 三年題准黑井鹽增徵稅銀二千兩
備城工用遇閏加銀二百五十兩 四年吳三桂以
藩下家口食鹽不足議每月增煮黑井鹽十二萬五
千觔加課銀二千兩 十年封閉只舊草溪井其課
銀歸併黑井辦納 二十一年巡撫王繼文以起發
吳逆家口後食鹽人少奏減黑井歲課銀二萬四千
兩定以每月煎鹽五十萬觔以三十萬觔給竈自賣
抵作工本以二十萬觔運省賣價完課銀八千兩
二十四年雲南歲額鹽課銀一十五萬二百三十八
兩七錢二分六釐 三十一年黑井蛟蜃橫發漂沒

鹽柴無補免停工缺煎課銀一萬四千四百兩 三
十二年免黔屬普安州等處虧空行銷黑井鹽課銀
一萬九千餘兩 三十三年免鹽課銀五千七百餘
兩先是黔屬普安州等處遠食滇鹽商竈賠累總督
范承勳請改食川鹽減滇省每年課額

雍正元年復開草溪只舊井 二年於鎮沅府地方開
按版井於威遠地方開抱母井巡撫楊名時以鹽課
充溢民食有賴請加各井龍神封號奉

旨勅封靈源普澤龍王春秋致祭 三年於普洱府地方
開磨黑井元江府地方開猛野土井 九年以攸樂

夷人每年認完烏得土井鹽銀二千兩定爲正課

通省總數

黑井白井琅井雲龍井安寧井阿陋井景東井彌沙井
只舊草溪井按版井抱母井麗江井磨黑井猛野井
烏得井共一十五井

額煎鹽共二千七百二十八萬七千四百三十六觔徵

正課共銀二十七萬八千三十九兩七分正額盈餘

共銀二萬二千六百七十五兩一錢六分五釐額外

盈餘共銀二萬五千六十一兩七錢六釐

以上雍正十年題定

其款項載各井內

黑井產井五區

大井 東井

復隆井

以上係舊井

新井

尾井附雍正二年新開

沙涵井

雍正八年新開 以上五井坐落楚雄府屬定遠縣

地方距省三百六十里

舊設提舉司提舉一員 鹽課司大使一員

竈丁二百丁

新設復隆井鹽課司大使一員

雍正九年設

新井竈丁五十丁

額煎鹽八百二十三萬二十四觔徵課銀一十二萬六

百五十兩二錢二分

雍正九年題定

原額鹽五百六十四萬觔徵課銀九萬二百四十兩
額徵公費銀四百八十兩

竈丁編公費銀四十三兩六錢

商稅銀一百三十一兩三錢五分

窩鹵銀七十二兩

附徵窩鹵銀一十八兩

附徵省店鹽稅銀三千五百二十五兩

帶銷鹽二十四萬觔

伐柴不敷鹽二十四萬觔

增薪鹽三十五萬四觔

加增各役工食鹽六萬觔

加增鹽三十萬觔徵課銀五千四百兩

舊額加增鹽一百五十萬觔辦課二萬四千兩康熙

五十五年井鹵日出有數等事鹽道詳明督撫批准

黑井止辦加增鹽三十萬觔每百觔課銀一兩九錢

徵銀五千七百兩黑井運赴省店行銷原額鹽價內

撥補銀一萬一千二百八十兩白井幫補銀四千兩

雲龍井幫補銀三千二十兩雍正二年遵

旨覆奏鹽務利弊等事題准白雲二井不幫黑井於黑井
之新井煎鹽一百萬觔賣價歸公數內撥抵黑井加

增鹽三十萬觔每百觔減價一錢實徵課銀五千四百兩於鹽務盈餘歸公數內撥補銀三百兩五年酌減鹽價議增薪本等事題准新井鹽價定為正課於鹽務盈餘歸公數內撥補銀七千二十兩運赴省店行銷鹽觔每百觔減價二錢加增鹽三十萬觔減銀六百兩於白井額外沙鹵鹽價內撥補雍正九年請定畫一章程等事題請自雍正十年為始將一切費稅窩鹵並帶銷加增鹽等項合前原徵課稅統為正課歲定黑井額鹽六百八十三萬四觔每百觔賣價二兩八錢徵課價銀一十九萬一千二百四十兩一錢一分二釐除歲給每百觔煎鹽薪本役食器具等銀九錢七釐五毫八絲共銀六萬一千九百八十七兩七錢五分三毫三忽二微運鹽腳價每百觔八錢數內銀三錢九分二釐四毫二絲共銀二萬六千八百二兩三錢一釐六毫九絲六忽八微實正課銀一十萬二千四百五十兩六分遇閏照加小建不除

新井鹽

一百萬觔徵課銀一萬五千兩

雍正二年遵

旨覆奏鹽務利弊等事奏明黑井地方與大東復三井相